

雍
州
金
石
記

清波雜志言鄭暘所竊集荆襄川蜀金石刻為五
路墨寶為世所稱述以暘叔身在其地見聞既真
訪問亦易故能若是其詳且備也宋人多留意金
石文字如歐陽永叔劉原父呂進伯趙明誠董道
黃長睿薛紹彭諸君而歐陽永叔趙明誠之書至
今盛傳於世余觀近人記載及余所收多有二書
所未載者以二書所收徧字內愛博而不專且一
人之耳目有限遠莫能致則寄耳目於人安能若
已之薦好而勤求耶余於辛未入秦遲留十載其
地為周漢隋唐故都金石遺文所在皆有余夙有

金石之癖暇則策蹇行遊逢古碑輒坐卧其旁流
連竟日或宿山寺或問樵牧不少倦也積之又久
得漢唐碑二百種其五代及宋元概置弗錄中有
古人所未見者十猶二三焉碑存而未獲者疑無
幾矣題曰雍州金石記誌一方之所得也凡我同
志身之所經足訂目考人自為書海內之金石各
有其書矣如歐趙諸公得一人焉秉筆彙而成冊
不幾與古人爭烈乎哉乾隆己卯秋日朱楓近漪
氏題於秦川之滴水草堂

雍州金石記目錄

卷一

秦嶧山石刻 李斯篆書

漢郃陽令曹全碑并陰 八分書

漢析里橋邨閣頌 八分書

漢十三字殘碑 八分書

魏十八字殘碑 八分書

晉蘭亭序 王羲之行書

後周華嶽頌 趙文淵八分書

隋佛座記 正書

隋淮安定公芬殘碑 正書

隋同州舍利塔額 八分書

隋李淵為子祈疾疏 行書

隋智永千文 行草書

隋賀若誼殘碑 正書

卷二

唐

宗聖觀記 歐陽詢八分書

皇甫誕碑 歐陽詢正書

寶室寺鐘銘 正書

昭仁寺碑 正書

孔子廟堂碑 虞世南正書

九成宮醴泉銘 歐陽詢正書

虞公溫彥博碑 歐陽詢正書

懿公張琮碑 正書

褒公段志玄碑 正書

國子祭酒孔穎達碑 正書

高唐公馬周碑 殷仲容八分書

梁公房玄齡碑 褚遂良正書

芮公豆盧寬碑 正書

大唐三藏聖教序并記 褚遂良正書

萬年宮銘 高宗御書

定公韓良碑 王行滿正書

獻公薛收碑 正書

化度寺僧海禪師墳記 正書

尚書張胤碑 正書

衛公李靖碑 王知敬正書

卷三

唐

王居士磚塔銘 敬客正書

蘭陵長公主碑 正書

夫人程氏塔銘 正書

許洛仁碑 正書

大唐三藏聖教序并記 褚遂良書

道安禪師塔記 正書

王三娘墳記 正書

道目法師碑 歐陽通正書

比丘法願墓誌銘 正書

騎都尉李文墓誌銘 正書

清河長公主碑 正書

燕公于志寧碑 于立政正書

淄川公李孝同碑 諸葛穎正書

大唐三藏聖教序記并心經 集王右軍書

薛公阿史那忠碑 正書

內侍張阿難碑 正書

英公李勣碑 高宗御書

申公高士廉瑩兆記 正書

康公褚亮碑 八分書

晉州刺史順義公碑 正書

卷四

唐

莒公唐儉碑 正書

鄂公尉遲敬德碑 正書

姜遐斷碑 姜稀正書

昭公崔敦禮碑 于立政正書

珍州榮德縣丞梁師亮墓誌銘 正書

明堂令于大猷碑 正書

順陵殘碑 相王旦正書

高延貴造阿彌陀像記 正書

韋均造佛像銘 正書

蕭元春造佛讚 正書

李承嗣造阿彌陀像記 正書

姚元景光宅寺造佛像銘 正書

楊將軍新莊像銘 正書

虢國公揚花臺銘 正書

石龕阿彌陀像銘 王無惑書

花塔佛像題名 正書

隆闡法師碑 行書

比业居法琬碑 正書

紀國陸先妃碑 正書

許公蘓瓌碑 盧藏用八分書

卷五

唐

景龍觀鐘銘 睿宗正書

涼國公契苾明碑 殷元祚正書

兗州都督于知微碑 正書

雲麾將軍李思訓碑 李邕行書

尹尊師碑 八分書

華岳精享昭應之碑 劉升八分書

華嶽題名 顏真卿正書

賈竦謁華岳廟詩 正書

述聖頌 呂向正書

告華岳文 韓擇木八分書

祈雨記 李權八分書

王宥等題名 李權篆并分書

嶽廟題名殘碑 正書

卷六

唐

馮十一娘墓誌銘 正書

鎮軍大將軍吳文碑 集王右軍書

御史臺精舍碑 梁昇卿八分書

內侍高福墓誌銘 正書

淨業法師塔銘 正書

涼國長公主碑銘 玄宗八分書

左領軍衛將軍乙速孤神慶碑 正書

右武衛將軍乙速孤行儼碑 白羲暉八分書

思恒律師誌文 正書

佛頂尊勝陀羅尼經石幢 正書

比业尼法澄塔銘 彭王志疎行書

比业尼堅行禪師塔銘 正書

代國長公主碑 正書

義原縣尉張府君墓誌銘 正書

大智禪師碑 史維則八分書

進法師塔銘 正書

比世尼惠源和上誌銘 正書

祠部員外郎裴稹墓誌 裴肱正書

夢真容碑 蘓靈芝行書

卷七

唐

金仙長公主碑 玄宗行書

鄔國長公主碑 玄宗八分書

褒封四子勅 正書

陀羅尼經頌序石幢 正書

玄元靈應頌 戴叔八分書

孝經 玄宗八分書

竇居士神道碑 段清雲行書

周夫人墓誌銘 正書

金剛經石幢 張貴行書

崇仁寺陀羅尼咒石幢 張少悌行書

多寶佛塔感應碑 正書

楊珣碑 玄宗八分書

內侍孫志廣墓誌 韓獻之行書

贈工部尚書威懷恪碑 顏真卿正書

臨淮王李光弼碑 張少悌行書

張希古墓誌銘 田頴行書

左金吾衛將軍威希晏碑 韓秀弼八分書

郭敬之家廟碑并陰 顏真卿正書

卷八

唐

太子賓客白道生碑 韓宗正書

先塋記 李陽冰篆書

三墳記 李陽冰篆書

姜原田真人碑 模王右軍書

陀羅尼經石幢銘 康珣行書

慈州刺史王履清殘碑 正書

清源公王忠嗣碑 王縉正書

高力士殘碑 行書

無憂王寺真身寶塔碑 正書

贈楊州都督段行琛碑 張增正書

顏魯公與郭僕射書 行書

顏氏家廟碑 真卿正書

顏魯公奉使蔡州書 行書

光祿卿王訓墓誌 澤王漣正書

景教流行中國碑 正書

不空和尚碑 徐浩正書

吳岳祠堂記 冷朝陽行書

李元諒懋功昭德碑 韓秀弼八分書

卷九

唐

姜嫄公劉廟碑 張誼正書

聖母帖 懷素草書

懷素藏真律公二帖 草書

草書千文 懷素書

同州澄城令鄭楚相德政碑 鄭雲逵正書

保唐寺燈幢贊 柳澈正書

尊勝經打本 正書

大德塔銘 王勗清正書

劍州刺史李廣業碑 正書

楚金禪師碑 吳通微正書

內侍李輔光墓誌 崔巨雅正書

邠國公功德銘 正書

西平郡王李晟碑 柳公權正書

魏公先廟碑 柳公權正書

佛頂尊勝陀羅尼經并序 無可正書

義陽郡王符璘碑 柳公權正書

梓州刺史馮宿碑 柳公權正書

卷十

唐

國子學石經

周易

尚書

毛詩

周禮

儀禮

禮記

春秋左氏傳

公羊傳

穀梁傳

孝經

論語

雍州金石記

爾雅

五經文字

九經字樣

慈恩寺基公塔銘 建初正書

大遍覺法師玄奘塔銘 建初行書

窈昭和上碑 無可正書

大達法師玄秘塔碑銘 柳公權正書

陀羅尼神咒石幢 正書

周公祠靈泉碑 正書

杜順和上行記 董景仁行書

圭峯定慧禪師傳法碑 裴休正書

郎官題名石柱 正書

滌河石幢 正書

瑯琊王氏夫人墓誌銘 正書

內侍吳承必墓誌 行書

僧彥脩草書

張旭肚痛帖

重脩法門寺塔廟記 王仁恭正書

三階法師碑額 正書

尊勝陀羅尼經咒石鼓 正書

蘇州府志卷之二十一
記餘一卷

雍州金石記卷一

秦

嶧山石刻 李斯篆書

秦刻久亡宋鄭文寶以徐鉉摹本刻石在陝西
西安府儒學石裂為三共二百三十二字石刻
二面鄭記錄於左

秦相李斯書嶧山碑跡妙時古殊為世重故散
騎常侍徐公鉉酷耽玉箸垂五十年時無其比
晚節獲嶧山碑摸本師其筆力自謂得思於天
人之際曰是廣 已之舊跡然擲略盡文寶受

業徐門粗堅企及之志太平興國五年春再舉
進士不中東適齊魯客登嶧山訪秦碑觀
然無覩逮於旬浹怡悵於榛蕪之下惜其神蹤
將墜於世今以徐所授摸本刊於長安故都
國子學庶博雅君子見先儒之指歸淳化四年
八月十五日承奉郎守太常博士陝府州水
陸計度轉運副使賜緋魚袋鄭文寶記
漢

邵陽令曹全碑并陰 八分書

明萬歷初於夏陽鎮邵陽舊城培土得之字畫

完好今移邵陽縣文廟中此洪氏所未見今錄
其文於左

君諱金字景完燉煌效穀人也其先蓋周之胄
武王秉乾之機剪伐殷商既定爾勲福祿攸同
封弟外振鐸於曹國曰氏焉秦漢之際曹參夾
輔王室世宗廓土斤竟子孫遷於雍州之郊分
止右扶風或在安定或處武都或居隴西或家
燉煌枝分葉布所在為雄君高祖父敏舉孝廉
武威長史巴郡朐忍令張掖居延都尉曾祖父
述孝廉謁者金城長史夏陽令蜀郡西部都尉

祖父鳳孝廉張掖屬國都尉丞右扶風隃麋侯
相金城西部都尉北地太守父琫少貫名州郡
不幸早世是以位不副德君童齒好學甄極懿
緯無文不綜賢孝之性根生於心收養季祖母
供事繼母先意承志存亡之敬禮無遺闕是以
鄉人爲之諺曰重親致歡曹景完易世載德不
隕其名及其從政清擬夷齊直慕史魚歷郡右
職上計掾史仍辟涼州常爲治中別駕紀綱萬
里朱紫不謬出典諸郡彈枉糾邪貪暴洗心同
僚服德遠近憚威建寧二年舉孝廉除郎中拜

西域戊部司馬時疏勒國王和德弒父篡位不
供職貢君興師徵討有吮膿之仁分醪之惠攻
城野戰謀若湧泉威卒諸貴和德面縛歸死還
師振旅諸國禮遺且二百萬悉以簿官遷若扶
風槐里令遭同產弟憂棄官續遇禁罔潛隱家
巷七年光和六年復舉孝廉七年三月除郎中
拜酒泉福祿長詆賊張角起兵幽冀兗豫荆揚
同時竝動而縣民郭家等復造逆亂燒燔城寺
萬民騷擾人裹不安三郡告急羽檄仍至於時
聖主諮詠羣僚咸曰君哉轉拜郃陽令收合餘

燼芟夷殘迹絕其本根遴訪故老商量雋艾王
敬王畢等恤民之要存慰高年撫育鰥寡以家
錢糴米粟賜癯盲大女桃斐等合七首藥神明
膏親至離亭部吏王宰程橫等賦與有疾者咸
蒙瘳快惠政之流甚於置郵百姓襁負反者如
雲戢治廡屋市肆列陳風雨時節歲獲豐年農
夫織婦百工戴恩縣前以 河平元年遭白茅
谷水災害退於戍吏之間興造城郭是後舊姓
及脩身之士官位不登君乃閱縉紳之徒不濟
開南寺門承望華岳鄉明而治庶使學者李儒

樂規程寅等各獲人爵之報廓廣聽事官舍廷
會廊閣升降揖讓朝覲之階費不出民役不干
時門下掾王敬錄事掾王畢主簿王歷戶曹掾
秦尚功曹史王顯等嘉慕奚斯考甫之美乃共
刊石紀功其辭曰懿明后德義章貢王庭徵鬼
方威布烈安殊荒還師旅臨槐里感孔懷赴壘
紀嗟逆賊燔城市特受命理殘圯芟不臣寧黔
首繕官寺開南門闕嵯峨望華山鄉明治惠霑
渥吏樂政民給足君高升極鼎足中平二年十

月丙辰造

碑陰 縣三老商量伯棋五百鄉三老司馬集
仲裳五百徵博士李儒文優五百故門下祭酒
姚之辛卿五百故門下掾王敬元方千故門下
議掾王畢世異千故督郵李諲伯嗣五百故督
郵楊動子豪千故將軍令史董溥建禮三百故
郡曹史守丞馬訪子謀故郡曹史守丞楊榮長
孳故鄉嗇夫寧駿安雲故功曹任千子流故功
曹曹屯定吉故功曹王河孔達故功曹王吉子
僑故功曹王時孔良五百疑馬訪以下至王時
共八人皆五百也
故功曹王獻子上故功曹秦尚孔都二但一
二字故

功曹王衡道興故功曹楊休當女五伯故功曹

王衍文珪故功曹秦杼漢都千璉秦杼後一行但一璉字與

都字故功曹王詡子弘故功曹杜安元進右上一層

處士河東皮氏岐茂孝才二百右超上一層書之故門

下賊曹王翊長河故主簿鄧化孔彥故市掾杜

靖彥淵故市掾王尊文憲故郵書掾姚閔升臺

萌謀仲三字一行萌字與閔並宣仲並一行與元並一行與宣並

層故市掾王建和故市掾成播尋舉故市掾

楊則孔則故市掾程璜孔休故市掾扈安子安

千故市掾高貞顯和千故市掾王璠季晦故門

石記

下史秦竝靜先

右第三層右

曹史高廉

告千

部掾趙吳文高故塞曹史吳產孔才五百

故塞曹史杜苗始故法曹史王文故賊

曹史趙福文祉故集曹史柯相文舉干故金曹

史精暘父亮故賊曹史王授文博起字一行與博

三層左義士河東安邑劉政元方千義士侯褒文

憲五百義士潁川咸就元就五百義士安平邳

博季長二百

右第四層

按碑陰第一行縣三老金石文字記作故三老

誤其處士超出第一層之上書之可想見當時

處士之尊此碑文止八百四十餘字而碑陰有
四百四十餘字惜乎搨工不搨碑陰使好古者
不得盡見之也

析里橋郝閣頌 八分書

今在略陽縣郝閣舊在棧道中頌摩崖石在橋
旁今棧道已徙他處石亦磨泐縣令重刻於石
略云太守漢陽阿陽李君諱翕字伯都以建寧
三年二月辛巳到官云云頌後又有詩詩後旁
書縣令申如湏重刻七字八分書其書皆模倣
筆法亦略相似按集古錄作太守阿陽李君今

碑稱太守漢陽阿陽李君重鑄之碑不應有誤
當是集古錄脫去漢陽一字耳又集古錄作李
會常是原碑磨滅之誤

顧炎武曰其文有云醴散閔之潮潔者楊用修
以醴為釋嘲為潮潔為濕是也歐陽永叔集古
錄曰後漢熊君碑其書顯字皆為顯按說文顯
從鼎聲而轉為累其失遠矣莫曉其義也愚考

累字从日从系乃累之省

說文顯从日中視然古文借以為顯字殺

阮碑陰顯字再見皆作顯而後人寫作田者誤也古人以濕
為潔者不一說文濕水出東郡東武陽入海以

水爨聲他合切漢書王子侯表濕成侯忠師古
曰濕音它合反功臣表駟望侯冷廣以濕沃公
士師古曰濕音它合反功臣表有濕陰定侯昆
邪霍去病傳王莽傳竝作濕陰地理志平原有
濕陰縣而水經濕餘水亦濕字之異文荀子窮
則棄而僂注當濕韓詩外傳作棄而累魏建成
鄉侯劉靖碑濕字作際惟其以日為田此永矧
之所以疑也

十三字殘碑 八分書

今在邵陽縣康氏僅存十三字書法與曹全碑

相似宰莘退食記云郃陽十三字漢碑向置曹
全碑之旁今亡矣不知康氏移歸珎藏耳屈君
耕野搨以遺余可愛玩也又有六字疑為一碑
書法古勁當為漢人所書亦藏康氏
魏

十八字殘碑 八分書

今在郃陽縣屈氏乾隆初土人取土得之土中
僅十二字中有黃初五三字故定為魏碑其書
法絕類漢人又有六字與此碑如出一手字之
大小行之疎密皆同應同為一碑屈君耕野珎

藏於家搨以遺余屈君邑庠生博學好古於古
人碑版嗜之尤篤余記秦中金石相助為多安
得好古如屈君者數十百人散布天下以廣金
石之傳焉

晉

蘭亭序 王羲之行書 永和九年三月

醴泉荀氏蘭亭其先人於明時得之上黨書法
道媚鋒鋷畢呈瘦本中佳本也第一行歲在二
字缺其缺處若半月然第十行所字起至二十
七行攬字止計十八行皆有斜裂紋有董文敏

跋錄於左

蘭亭真蹟諸家辨之不啻詳矣大抵昔重定武
今崇頴上其他殊不足觀偶於王蓼莪侍御處
得觀此帖險勁道婉婉然定武初搨以視頴上
更為過之叩其所自則上黨苟令得之士中者
上黨為唐雄鎮去定武不遠玄宗曾判此郡斯
刻之出有自来矣真蹟原歸昭陵而苟公復家
世醴泉神物隱見信有契合之數聊以質之苟
君董其昌識

後周

華嶽頌 八分書

今在華陰縣西岳廟碑首篆書西嶽華山神廟之碑八字其結銜曰使持節驃騎大將軍開府儀同三司大都督司宗治內史臨淄縣開國公萬紐于瑾造此文車騎大將軍儀同三司縣伯大夫趙興郡守白石縣開國男南陽趙文淵字德本奉勅書金石文字記作天和二年十月其陰為唐刻華嶽精享昭應之碑左右旁各有題名別見於後

顧炎武曰余所見碑撰人書人列名者始此

又曰萬紐于瑾者唐瑾也後周書本傳時燕公
于謹勲高望重朝野所屬白文帝言謹學行兼
修願與之同姓結為兄弟文帝賜姓萬紐于氏
又云封姑臧縣子以平江陵功進爵為公而不
言臨淄者史闕也李昶樂運傳竝云臨淄公唐
瑾

又曰趙文深字德本少學楷隸雅有鍾王之則
筆勢可觀當時碑牓唯文深及龔儁而已太祖
以隸書紕繆命文深與黎景熙沈遐等依說文
及字林刊定六體成一萬餘言行於世及平江

陵之後王褒入關貴遊等翕然竝學褒書文深
之書遂被遐棄文深慙恨形於言色後知好尚
難反亦攻習褒書然竟無所成轉被譏議謂之
學步邯鄲至於碑榜餘人猶莫之逮王褒亦每
推先之宮殿樓閣皆其迹也其書歷官與此碑
悉同其以淵為深者避唐諱耳

隋

佛座記 正書

今在西安府城北雷神廟內佛高尺有六寸以
白玉石鑄成佛旁有二侍者梵相古樸座下有

記云開皇四年歲次甲辰九月庚申二十日己
邨佛弟子王他奴為七世父母已來及現存家
口大小敬造釋加無像一區又列七世及家
人之名其書法若不經意而運筆靈妙隨唐間
書法之精乃爾

淮安定公芬殘碑 正書

今在西安府城東二十里中兆村碑上半已亡
其下半裂而為三今僅存前後二塊土人砌於
堡門內碑銜已亡僅存一碑字其下無書撰人
姓名存字三百餘有云亦何代無其人哉淮安

定公繼之矣公諱芬字十一世祖融字稚

長曾祖琰祖賓育有云開皇五年除華

此字州半滅

刺史加金紫光祿大夫有云乞骸聽以大將軍
淮安公歸第有云二十八日寢疾薨於京師之
太平里第

同州舍利塔額 八分書

今在同州府興國寺碑為八分書數十年前回
塔毀僧俗以碑與舍利為冢塋之惟額存焉諸
佛舍利寶塔六大字字徑尺許其旁有長安香
城院主賜紫義省施額長安僧善雋題額按金

石文字記載碑文云維大隋仁壽元年歲次辛
亥朔十五日乙丑皇帝普為一切法界幽顯生
靈謹於同州武鄉縣大興國寺奉安舍利敬造
靈塔云云而不載此額今碑已不可復見而額
猶存故特記之庶古物不致盡泯也又按此碑
文為隋文帝建不應又有施額之事或隋以後
增置此額耳

李淵為子祈疾疏 行書

今在鄠縣草堂寺經宋人翻刻文錄於左

鄭州刺史李淵為男世民目患先於此寺求仙

蒙仙恩力其患得頓捐今為男敬造石碑像一鋪願此功德資益弟子及合家大小福德具足永無灾郭弟子李淵一心供奉大業二年正月八日建立

趙嶠石墨鐫華曰此唐高祖也記稱鄭州刺史而史稱高祖為譙隴岐三州刺史不曰鄭州此亦可以證史之闕

智永千文

今在西安府學宮櫺星門內右首碑甚雄偉碑首篆書智永千文四字千文一行正書一行草

書凡六層其碑陰又二層後有記錄於後

智永禪師王逸少之七代孫妙傳家法為隋唐間學書者宗匠寫真草千文八百本江東諸寺各施一本住吳興之永欣寺積年臨書所退筆頭置之大竹簾受一石餘而五簾皆滿求書者如市所居戶限為之穿穴乃用鐵葉裹之人謂之鐵門限取筆頭瘞之號退筆塚長安崔氏所藏真蹟最為殊絕命工刊石置之漕司南廳庶傳永久大觀己丑二月十一日樂安薛嗣昌記按嗣昌乃薛紹彭之弟其父珣嘗得定武蘭亭

宣和中取入內今嗣昌所判定為智永善本故
能歷久而彌佳也

趙嶠曰南部新書云智永千文但律召調陽乃
真蹟今本正作名字

賀若誼碑 正書

今在興平縣文廟內宋時以碑陰刻夫子廟碑
原文尚存惟磨泐過半耳可讀者有云公諱誼
字道機河南洛陽人也云云

雍州金石記卷二

唐

宗聖觀記 武德九年二月 八分書

今在盤屋縣樓觀大殿前碑首正書大唐宗聖
觀記六大字題曰大唐宗聖觀記給事中騎都
尉歐陽詢撰序并 侍中江國公陳琳達撰銘
其并字之下字雖殘缺左方尚有筆畫可認當
是書字信本楷書名高千古其分書如房彥謙
碑亦多傳於世今玩碑字時作篆體乃唐隸之
佳者微露筆意似信本楷書而顧林亭金石文

列州金石記 卷二
字記僅載歐陽詢撰序趙子固石墨鐫華直云
無書者姓氏豈二君於并字均未之見耶且歐
已撰序陳已撰銘碑首又正書試思歐之并為
何事也按鄭漁仲金石略歐陽詢書有宗聖觀
碑分書此真信而可徵者又碑末小字題云中
統玄默閭茂之歲命工鏤剔是元時以舊碑開
鐫故其規模無恙趙子固以為經翻刻失其筆
意誤矣備記之以俟博雅君子

皇甫誕碑 正書

今在西安府文廟櫺星門內右首與廟堂碑對

碑首篆書隨柱國弘義明公皇甫府君碑十二
字題曰隋柱國左光祿大夫弘義明公皇甫府
君碑銀青光祿大夫行太子左庶子上柱國黎
陽開國公于志寧製銀青光祿大夫歐陽詢書
皇甫君以仁壽四年九月卒而不書立碑年月
顧寧人考為貞觀初立明萬歷中亭圯中斷亡
五十餘字又按此碑故在咸寧之鳴犢鎮墓前
不知何時移入文廟內與廟堂碑對峙並垂不
朽皇甫君亦何幸而遭之書法之佳顧不重歟
其碑陰有復唯識記唯識者禪院名也記稱在

藍田縣蓋宋時重修此院鐫記於皇甫碑陰後
人重歐書移於文廟趙子函未嘗親至碑下故
既載皇甫碑在西安府學又載唯識院記在藍
田耳鳴犢去藍田不數里而近

寶室寺鐘銘 正書

今在鄜州城南樓上康熙時河水泛決出於土
中土暈銅花青翠可愛略云鄜州寶室寺上坐
羅漢等以大唐貞觀三年攝提在歲癸賓御律
景丁統日己巳司辰用銅三千觔鑄鐘一口云
云大鐘主上大將軍張神安大鐘主趙夷杜茂

計三百十八字

昭仁寺碑 正書

今在長武縣城東隅碑首篆書大唐幽州昭仁寺之碑九字題曰幽州昭仁寺碑文守諫議大夫騎都尉臣朱子奢奉勅撰碑文三千餘字完好如新殘缺者十餘字耳集古錄云字畫甚工信不虛也按舊唐書貞觀三年詔建義交兵之處各立一寺此其一也而碑中無年月金石文字記云貞觀四年十一月未詳

孔子廟堂碑 正書

今在西安府學文廟內碑首篆書孔子廟堂之
碑六大字題與額同太子中書舍人行著作郎
臣虞世南奉勅撰并書司徒并州牧太子左千
牛率兼檢校安北大都督相王旦書碑額金石
文字記云舊唐書宣宗大中五年十一月國子
祭酒馮審奏文宣王廟碑始太宗立之睿宗篆
額加大周二字蓋武后時書也請琢去偽號後
之此大周字削而相王之銜獨存也今碑首無
大唐字蓋依碑題額耳文字記又云其末曰永
興軍節度管內觀察處置等使王彥超再建則

元碑已亡此重刻也今碑斷為三缺百餘字王
阮亭居易錄載山東城武亦有此碑碑陰宋人
鐫教興頌篆書

九成宮醴泉銘 正書

今在麟遊縣北五里九成宮故基碑首篆書九
成宮醴泉銘六字秘書監檢校侍中鉅鹿郡公
臣魏徵奉勅撰後署曰兼太子率更令渤海男
臣歐陽詢奉勅書碑已磨泐每行盡處近為俗
子開鐫一二字穢陋不堪仍須剔去為佳碑中
無年月金石文字記云貞觀六年四月

虞公溫彥博碑 岑文本撰 歐陽詢正書

今在醴泉縣北二十五里烟霞洞西昭陵南十里碑首篆書大唐特進尚書右僕射虞恭公溫公之碑十六字碑已漫漶可識者僅四百字金石文字記云貞觀十一年十月

懿公張琮碑 正書

今在咸陽縣西北三十里雙照村碑首篆書唐故光祿大夫張府君碑十二字碑題已漫滅有庶子黎陽公于六字可識疑為撰人又有脩生萬至四字疑為書人碑文略云公諱琮字

文瑾武威姑臧人也祖誼魏驃騎將軍涼州刺史黃門侍郎散騎常侍武威郡公祖暉周驃騎將軍鄜城郡太守死王事贈上柱國瀛州摠管北河庄公父辯隨上柱國使持節秦州諸軍事秦州摠管潭州摠管左武衛大將軍河北郡開國公公釋褐奮武尉尋除新鄭縣令遷潁川郡丞高祖御極除驃騎將軍仍加上開府尋改授左衛中郎將劉武周稱兵馬邑公陪從戎麾授左三摠管還京授左衛長史其中郎將如故尋授上柱國封南安縣開國侯食邑七百戶又檢

校叅旂軍副又檢校左領左右中郎將貞觀元年授太子左衛率又檢校右武衛將軍左領軍將軍四年授雲麾將軍行左衛率如故十年授銀青光祿大夫行睦州刺史貞觀十一年十二月之任在道薨春秋五十有五謚曰懿公以十三年二月十一日厝於始平之原祖母李景皇帝之女贈信都郡大長公主母竇隨文帝之甥夫人長孫文德皇后之姊按張琮唐書無傳無可考証碑言祖母李景皇帝之女唐史止載世祖一女同安公主貞觀時以屬尊進大長公主

今景皇帝之女不為立傳亦史之闕豈以其生前未有公主位號歟後加贈故闕之耶

褒公段志玄碑 正書 貞觀十六年

今在醴泉縣北二十里庄河村昭陵南十里碑首篆書大唐故右衛大將軍楊州都督段公之碑十六字題曰唐故輔國大將軍右衛大將軍楊州都督褒忠壯公段公碑銘碑下半已磨泐可讀者千字而已

國子祭酒孔穎達碑 于志寧撰 正書

今在醴泉縣北二十里古村昭陵南十里碑首

篆書大唐故國子祭酒曲阜憲公孔公之碑銘
十六字碑已磨泐可識者僅二百餘字集古錄
云字沖遠及與鄭公修隨書至今可識石墨鐫
華所云貞觀二十二年六月十八日薨春秋七
十有五已不可識矣明苟好善作醴泉志云孔
穎達碑存字千時崇禎十一年也相去百餘年
頃失八九好古者所宜亟為保護者也按金石
文字記孔穎達碑作貞觀十六年集古錄云二
十二年與石墨鐫華合宜從集古

高唐公馬周碑

八分書

貞觀二十二年

今在醴泉縣北二十里古村昭陵南十里碑首
篆書大唐故中書令高唐馬公之碑十二字碑
已磨滅存四百字有云正月九日 薨春秋

卅八詔以其年三月陪葬有云贈幽州都督高
唐縣開國公馬周宜申旌壤之義兼加延賞之
恩可贈尚書右僕射餘官如故皆與傳合金石
錄作許敬撰殷仲容書

梁公房玄齡碑 褚遂良正書

今在醴泉縣北二十五里烟霞洞西昭陵南十
里碑首篆書大唐故左僕射上柱國太尉梁文

昭公碑十六字可識者約六百字

芮公豆盧寬碑 正書

今在醴泉縣北二十里下巖峪昭陵南十里碑
首篆書唐故特進芮定公之碑九字碑已磨泐
可識者二百餘字金石文字記作永徽元年
趙嶠曰寬欽望祖也高祖改其姓為盧氏永徽
中復姓豆盧氏有子懷讓尚萬春公主史不為
立傳附見欽望傳碑已殘泐僅數十字無從考
其始末幸碑額無恙知為寬碑正書精健有法
而無姓氏

大唐三藏聖教序并記 太宗撰序 高宗撰記

褚遂良正書 永徽四年十二月

今在西安府城南十里慈恩寺塔下序與記各為一碑塔中空可登其東西各為一龕置二碑於中

序碑首篆書大唐三藏聖教之序八字後署永徽四年歲次癸丑十月己卯朔十五日癸巳建中書令臣褚遂良書

記碑首篆書大唐三藏聖教序記八字題曰大唐皇帝述三藏聖教序記後署皇帝在春宮製

此文永徽四年歲次癸丑十二月戊寅朔十日
丁亥建尚書右僕射上柱國河南郡開國公臣
褚遂良書其碑首及記俱自左而右蓋欲與前
碑配合也按二碑月日後先不同金石文字記
作十二月從最後也今從之

萬年宮銘 高宗御製并書 行草 永徽五年
五月

今在麟遊縣北五里九成宮故基碑首篆書萬
年宮銘四字題曰萬年宮銘并序後署大唐永
徽五年歲次 五月景午朔十五日庚申建

其題下有御製御書四字不知為何人書

碑陰奉勅中書門下及見從文武三品以上并學士並聽自書官名於碑陰其題名分上下二層書字大小不一以聽各官自書也

顧寧人曰舊唐書高宗永徽二年九月戊戌改九成宮為萬年宮乾封二年二月辛丑改萬年宮依舊名九成宮冊府元龜永徽五年五月制萬年宮銘刻石於永光門外仍令中書門下及文武三品以上并學士自書名位於碑陰刻之

定公韓良碑

正書

今在三原縣淡村碑首篆書

太子少保上

柱國潁川定公之碑十五字闕二字碑上半已漫滅可識者有云上柱國燕國公于志寧父門下錄事王行滿書公諱良字仲良昔獻子輔政名重六鄉師伯執卿譽高五事寔潁川之望族祖褒侍中周使持節開府儀同三司父紹周樂昌郡守隨儀同三司驃騎將軍衛尉少卿金崖縣開國公公貞觀元年詔授戶部尚書三年改除刑部尚書又授公右光祿大夫秦州都督府長史春秋五十七謚曰定公永徽六年歲次乙

卯三月辛未朔十四日甲申建碑漫滅斷續不復成文故所錄寥寥按此碑碑首無姓碑文中書姓處亦磨泐不可辨今碑中有獻子輔政云云當姓韓考唐書韓瑗傳父仲良終於刑部尚書秦州都督府長史今碑與傳合碑稱諱良字仲良或史以字為名耳此碑之姓為韓而韓良之即仲良無疑也其世次與謚可以補史之缺又史稱仲良於武德初定律令碑中不載碑雖殘缺如載之似應約略可識今竟無之為不可曉也

獻公薛收碑 正書 永徽十六年

今在醴泉縣北二十里趙村昭陵南十里碑首
篆書唐故太常卿上柱國汾陰獻公薛府君碑
十六字碑已磨滅僅存百餘字斷續不復成文
化度寺僧海禪師墳記 正書

今在西安府城南百塔寺旁大唐化度寺故僧
海禪師季六十六俗姓劉綏州上縣人也永徽
五年十一月八日卒禪衆以顯慶二年四月八
日於信行禪師所起方墳焉僅五十餘字而字
畫不俗故存之

尚書張胤碑 正書

今在醴泉縣北二十里西屯邨昭陵南十里碑
首篆書大唐故禮部尚書張府君之碑十二字
碑已殘缺存六百餘字可辨者有云詔葬故金
紫光祿大夫張胤有第四子巽第六子小師並
早亡第五子律師泗州司馬第七子統師太常
丞按唐書儒學傳有張後胤其官爵與碑同而
碑稱張胤字畫分明可信無疑是新舊唐書之
誤也金石文字記直稱張後胤石墨鐫華辨之
甚詳而仍稱後胤考金石者原以正謬誤也今

後碑

金石文字記作顯慶三年三月

衛公李靖碑

許敬宗撰

王知敬書

顯慶三

年

今在醴泉縣北二十五里烟霞洞旁昭陵南十里碑首篆書唐故開府儀同三司尚書右僕射司徒衛景武公碑二十字碑下半磨泐存字二千碑陰有宋游師雄跋

雍州金石記卷三

唐

王居士磚塔銘 上官靈芝撰 敬客正書 顯

慶三年十月

向在西安府城南百塔寺今為墨客取去金石
文字記云近出終南山梗梓谷中乃明末時出
諸土中者出土時石已裂而為三其今大唐王
居士磚塔之銘上半截五行已無存矣其靈芝
製文敬客書下半截五行又裂而為四其磬求
彼岸十一行又裂而為三下截亡五十字此碑

盛行於世摹臨翻刻者不下十餘處較之原碑不啻霄壤第碑裂而為七又亡去百二十餘字僅存者其能久乎故記之以備考云

蘭陵長公主碑 正書

今在醴泉縣北二十里老軍營西北昭陵南十里碑首正書大唐故蘭陵長公主碑九字碑已磨泐可辨者八百餘字有云太祖武皇帝之孫太宗文皇帝之第十九女也又云駙馬都尉慶州諸軍事使持節慶州刺史扶風竇懷慈太穆皇后孫銀青光祿大夫少府監上柱國德素子

又云春秋三十二以顯慶四年 月 八日薨
云云按唐書蘭陵公主傳云太穆皇后之族子
今碑稱太穆皇后之孫懷愍又不叙其下嫁時
官爵又碑稱太宗十九女而史載太宗二十一
女蘭陵公主第十二傳宜以長弟為序蘭陵宜
在後此皆可以正史之缺誤也又金石文字記
云顯慶四年十月今碑已漫漶月上一字殊未
分明不敢妄記也

夫人程氏塔銘 正書

今在西安府城南此石已失去一角可見者有

云夫人程氏塔銘并序以顯慶四缺三字四日
終於京第祔徵士靈塔安厝云云字畫清婉可
喜於殘滅之餘存之尤可愛玩也唐世佛法盛
行此以俗家夫婦用浮屠法起塔安葬者也

許洛仁碑 正書

今在醴泉縣北二十里趙村昭陵南十里碑首
篆書大唐故大將軍代州都督許公之碑

十六字闕二字碑下半磨泐存千五百字有曰
春秋八十有五度三人出家以追其福謚曰勇
金石文字記云龍朔二年十一月

大唐三藏聖教序并記 褚遂良正書 龍朔三

年六月

今在同州府此以序記并書一碑

顧炎武曰按舊唐書褚遂良傳永徽元年出為同州刺史三年復拜吏部尚書顯慶三年卒於愛州至龍朔三年則遂良之亡已五年矣恐是後人追刻也

王弘撰曰碑後有大唐褚遂良書在同州倅廳十一字當是後人補書其書法亦微不類

道安禪師塔記

正書

今在西安府城南百塔寺旁大唐故道安禪師
姓張雍州渭南人也以總章元年十月七日遷
形於趙景公寺禪院春秋六十有一又以三年
二月十五日起塔於終南山信行禪師塔後書
法瘦硬可喜此等小碑甚夥以不著書者姓氏
為可惜也

王三娘墳記 正書

今在西安府城南十里 氏故妻王三娘長安
人也春秋三十有八儀鳳二年八月五日捨化
即其月殯亡親院後至神龍二年二月八日脩

建墳焉書法適媚可存

道同法師碑

正書

龍朔三年十月

今在西安府儒學碑首作佛像其下正書故大德同法師碑七字字僅寸許題曰大唐故翻經大德益州多寶寺道同法師碑文并序中臺司藩大夫隴西李儼字仲思製文奉議郎行蘭臺郎渤海縣開國男歐陽通書

比北尼法願墓誌銘

正書

今在西安府儒學近出土中移於學內題曰大唐濟度寺比北尼墓誌銘并序略云法師諱法

願俗姓蕭蘭陵人梁武帝之六葉孫唐故司空
宋國公之第三女也以龍朔三年八月廿六日
捨壽於濟度寺之別院春秋六十三其年十月
十七日營空於少陵原之側無書撰人姓名

騎都尉李文墓誌銘 正書

今在同州府金塔寺題曰大唐故騎都尉李君
墓誌銘略云君諱文字緯隴西成紀人曾祖
齊金郡太守祖突周任定州錄事叅軍君時屬
隨末不遑儒業所以學未優贍志在前鋒應接
義旂授騎都尉夫人彭城劉氏以麟德元年二

月合葬於同州馮翊縣武城鄉之平原孤子武
仁等云云其云學未優贍諸語可見古人直書
無隱不似近人虛美也

清河長公主碑 正書

今在醴泉縣北二十里老軍營昭陵南十里碑
首篆書大唐故清河長公主碑九字碑已漫滅
僅有二三字可識知為正書唐書太宗二十一
女清河公主下嫁程懷亮麟德時陪葬昭陵

燕公于志寧碑 正書

今在三原縣北五十里三家店碑首篆書大唐

故柱國燕國公千君之碑十二字碑下半磨泐
存字二千金石文字記云令狐德芬撰子立政
書乾封元年十一月今碑中皆漫漶不可識

淄川公李孝同碑 正書

今在三原縣北五十里三家店碑首篆書大唐
故左武衛大將軍淄川公李府君碑十六字略
云公諱孝同高祖太武皇帝之後子太宗文皇
帝之後祖弟也曾祖太祖景皇帝祖寧州趙興
郡守海州刺史鄭孝王父光祿大夫宗正卿

都督 衛大將軍山東道行臺

左僕射

大將軍立武將軍開府儀同三司上柱國
贈司空淮安靖王太宗時為秦公總兵長安之
右及進圖京邑公即隸焉承間啟靖王曰秦公
瞻視非常功業又大雖非儲貳必膺寶歷靖王
心然之曰令委質秦府高祖踐祚授上柱國武
鄉縣開國公邑二千戶武德五載封淄川郡王
太宗御極授左千牛備身以愍章十二年十二
月日薨於京師長安之里第春秋六十
有二贈左武衛大將軍使持節都督代忻朔尉
四州諸軍事以咸亨元年歲次庚午五月廿四

日歸寔於靖王之舊塋云云碑下半磨泐可辨者千五百餘字其書撰姓氏已不可識金石錄以為諸葛楨書按唐書孝同附見淮安靖王神通傳其官爵行寔俱不載又神通官爵史與碑亦有小異故詳錄之

大唐三藏聖教序記并心經 僧懷仁集王右軍書 咸亨三年十二月

今在西安府儒學碑首有佛像七皆櫟精緻世所傳七佛頭也弘福寺僧懷仁集王羲之書太宗序高宗記太宗高宗批荅并心經

王弘撰曰序中如金容掩色心經中色不異空
空中無色諸色字於草法合至空不異色色即
是空空即是色無色聲香味觸法諸色字乃色
字集書者誤以此作色字耳觀天地苞乎陰陽
苞字下體文抱風雲之潤抱字右邊自見而昔
人無言及之者

薛公阿史那忠碑 正書

今在醴泉縣北二十里西峪村昭陵南十里碑
首篆書大唐故右驍衛大將軍薛國貞公阿史
那府君之碑二十字碑已漫漶可識者七百餘

字有云公諱忠字節義父蘓空一皇朝左驍衛
大將軍寧州都督云云謚曰貞按新唐書忠傳
蘓尸失子也今碑作蘓其下虛一字以下文乃
皇朝字也是忠父名蘓史誤耳宜從碑金石文
字記作上元二年

內侍張阿難碑 正書

今在醴泉縣北二十里馬旂寨昭陵南十里碑
首篆書大唐將軍張公之碑九字碑已漫滅
斷續不能成文僅存一百五十餘字有云汶江
縣開國侯張阿難有云銀青光祿大夫行內侍

汶江縣開國侯咸亨二年九月一日瑤臺寺僧

書按咸亨年號今作享豈亦書者增筆耶

英公李勣碑 高宗御製并書 儀鳳二十年十

月

今在醴泉縣北二十里趙村北昭陵南十里碑

首篆書大唐故司空上柱國贈太尉英貞武公

碑十六字碑題下有楷書御製御書四字碑存

千六百字碑陰有宋游師雄跋

申公高士廉塋兆記 正書

今在醴泉縣北二十五里烟霞洞東昭陵南十

里碑首篆書大唐尚書右僕射司徒申文獻公
瑩兆記十六字碑已漫漶存二百餘字不能上
口可識者有父勵 清河王改 樂安王

與新唐書較詳按唐書高儉字士廉其以字行
碑中已不能辨今從諸書稱士廉云碑側有六
代孫題名二錄於左

大唐會昌四年五月四日六代孫尚書左丞元

裕

昭陵拜

瑩所

六代孫正議大夫行給事中上柱國渤海縣開
國男食邑三百戶賜紫金魚袋少逸

謹附名題於碑側會昌四年五月十五日書
趙嶠曰按唐史稱元裕少逸相代弟兄迭處禁
中又曰會昌中少逸為給事中然則此正兄弟
相代時也而史不書少逸封爵且又不言二人
為士庶後非此幾令申公不得有其孫矣

金石文字記云碑高宗時立

康公褚亮碑 八分書

今在醴泉縣北二十五里烟霞洞昭陵南十里
碑首篆書大唐褚公之碑六字碑已磨泐多不
能讀僅存四百餘字金石文字記云碑高宗時

立

晉州刺史順義公碑 正書

今在醴泉縣北二十里古村昭陵南十里碑首
八分書大唐贈晉州刺史順義公碑銘十二字
碑已殘缺可識者僅五十餘字字極小故磨泐
若此

雍州金石記卷四

唐

莒公唐儉碑 正書

今在醴泉縣北二十五里小楊村碑首八分書
唐故特進莒國公唐府君之碑十二字碑已磨
滅僅存四百字可識者有云高祖岳後魏 州
刺史有云新城縣公尋改為晉昌郡公食邑二
千戶有云加鴻臚卿戶部尚書有云夫人河南
元氏

鄂公尉遲敬德碑 正書

今在醴泉縣北二十里趙村北昭陵南十里碑
首篆書大唐故司徒并州都督鄂國忠武公之
碑碑已磨滅過半其下段每行二十餘字可識
有云高陽郡開國公許敬宗撰其書人姓氏碑
中本無有云封吳國公又云聯姻瑤肘結慶瓊
枝碑已磨滅斷續無文理可尋或鄂公始封吳
國其後改封鄂國耳至其聯姻之事則不可考
也此碑已陷土中惟碑額在土上啟土搨之約
存千字趙子箇遊九峻記云尉遲敬德碑自額
以下埋土中余出之了無一字蓋捶而瘞之耳

此乃子固啟土時見大半無字遂不更掘孰知其可讀者猶在下也好古者固未可半途而廢也

姜遐斷碑 正書

今在醴泉縣北二十五里庄河村昭陵南十里碑已斷僅存下段亦漫滅不可讀存二百餘字有云授東宮通事舍人餘俱斷續不能成文按遐即柔遠附見兄簡傳云左鷹揚衛將軍通事舍人今碑稱東宮通事舍人可以補史之缺金石文字記云姪郾公晞撰并書

昭公崔敦禮碑 正書

今在醴泉縣北二十里昭陵南十里碑首篆書
三十字可識者大唐太子故少師中書令開府
儀同三司并州大都督二十一字碑已漫滅僅
存百餘字可識者有云于志寧字仲謚作文有
云曾祖宣猷周梁州總管按石墨鐫華云有千
餘字至今百餘年殘缺若此是以亟為記而存
之又書人姓名已不可見金石略作于立政書
考于志寧碑金石文字記作于立政書其書法
與此碑無異其為立政所書無疑也

珍州榮德縣丞梁師亮墓誌銘 正書 萬歲通

天二年三月

今在西安府城南五十里百塔寺題云大周故
珍州榮德縣丞梁君墓誌銘并序君諱師亮字
永徽安定烏氏人也永隆二年以運糧勲蒙
上柱國俄而上延朝譴穰珍州榮德縣丞以萬
歲通天二季三④六⑤葬於雍州城南終南山
至相寺楸梓谷信行禪師塔院之東陪先塋也
云云

顧炎武曰師亮字永徽以本朝年號為字猶漢

袁紹之字本初古人以無避忌如此

金石文字記云碑凡大周年者天作而地作

人作厓聖作𡵓臣作𡵓年作𡵓月作𡵓亦作𡵓

及韻會以𡵓為生字誤考此碑日作𡵓星作○正

作𡵓授作𡵓契𡵓明碑初作𡵓唯𡵓字無考疑

是應字凡數字作壹貳叁肆捌玖等字皆武后

所改及自制字此顧寧人岱岳觀造像後語武

授作𡵓契𡵓明碑作𡵓今梁師亮墓誌作𡵓凡兩見均與前有小異

明堂令于大猷碑 正書 聖歷三年十一月

今在三原縣北五十里三家店碑首已失存于

二百字略云公諱大猷字徽本曾祖宣道隨內
史舍人左衛率誠安縣開國子皇朝贈使持節
都督涼肅甘瓜沙五州諸軍事涼州刺史謚曰
獻祖志寧禮部尚書侍中尚書左僕射太子太
傅太師上柱國燕國公贈使持節都督幽易嬭
媯平六州諸軍事幽州刺史謚曰定父立政尚
書吏部郎中國子司業太子率更令渠號二州
刺史太僕少卿上護軍公聖歷二年制除明堂
縣令聖歷三年七月十日終於萬年縣常樂里
之私第春秋五十七即以其年歲次庚子十一

月葬於三原縣先塋按新唐書于志寧傳父宣
道隨內史舍人餘官爵及謚均未載志寧贈幽
州都督今碑稱幽州刺史是史誤也宜從碑
顧炎武曰碑云聖歷三年歲次庚子十一月十
二日合葬於雍州三原縣萬壽鄉之先塋而碑
非此時立也蓋後續為之故其書竝不用武后
所製字

順陵殘碑 正書

今在咸陽縣順陵在咸陽北原明時地震碑仆
取以修砌渭河之岸近於岸中崩出三段一移

縣署二在民間訪得其一存百三十五字又一
存四十八字又一存三十六字碑甚鉅河岸中
當不僅此也碑字大一寸五分書法亦自可玩
石墨鐫華云碑已仆於乙卯之地震而亡於縣
令之修河豈知陵谷變遷此碑又出人間耶

顧炎武曰首曰大周無上孝明高皇后碑銘并
序特進太子賓客監修國史上柱國梁王忠三
思奉勅撰太子左奉裕率兼檢校安北大都護
相王忠旦奉勅書此武后追尊其母楊氏之碑
其時睿宗為相王奉勅書之字體與景龍觀鐘

銘同內虎字再見末筆俱不全麓字號字亦同
猶未斥唐諱云云今殘碑中有虎字

高延貴造阿彌陀像記

正書

略云渤海高延貴造阿彌陀像一鋪長安三
七區十五乙敬造正書百四十二字

韋均造佛像銘

正書

略云雍州富平縣丞韋均比為慈親造像一鋪
長安三季歲次癸卯九區已丑朔三乙辛卯造
正書百七十三字

蕭元春造佛讚

正書

略云前揚州大都督府揚子縣令蘭陵蕭元春敬造彌勒像一鋪以大周長安三季九匝十五

②雕鐫就畢正書二百八字

李承嗣造阿彌陀像記 正書

略云維大周長安三季九月十五②隴西李承嗣為尊親造阿彌陀像一鋪正書八十八字

姚元景光宅寺造佛像銘 正書

略云長安四年九匝十八②書朝散大夫行司農寺丞姚元景爰於光宅寺法堂石柱造像一鋪正書二百三十八字

楊將軍新莊像銘 正書

開元十二年十月八日正書百三十字

虢國公楊花臺銘 正書

略云虢國公楊花臺銘并序輔國大將軍虢國公楊等爰抽淨俸申莊嚴之事也書工紀事乃為銘曰判官亳州臨渙縣申屠液撰正書二百七字按題曰楊花臺銘并序今有序無銘疑別有銘遺亡不存耳金石文字記載虢國公主花臺銘顧林亭所記最為精確不知此碑何誤乃爾又此銘無年月楊將軍新莊像銘乃開元十

二年以俱在花塔寺故記於此

右七種今俱在西安府南門內花塔寺各種銘讚俱書於石佛座下諸佛悉在殿之後簷及後殿之前簷寺僧云石佛舊在塔內塔毀重脩不復安塔中故安於殿前後耳

石龕阿彌陀像銘 正書

今在西安府城南花塔寺塔上石佛座下略云金紫光祿大夫行殿中監兼檢校奉宸令琅邪縣開國子王璿爰於七寶臺內敬造石龕阿彌像一鋪長安三季七匝

②造王無惑書計

一百八十三字

花塔佛像題名 正書

今在西安府城南花塔寺塔上石佛座下題云
鎮軍大將軍行左監門衛大將軍上柱國梁義
深定遠將軍守左監門衛將軍借紫金魚袋上
柱國李善才銀青光祿大夫行內侍省内侍上
柱國楊敬法朝散大夫守內常侍上柱國杜懷
敬正議大夫行內給事上柱國張元泰朝散大
夫內給事借紫金魚袋林招隱大中大夫行內
給事上柱國馬玄收朝散大夫內給事上柱國

蘇仁義朝議郎守內給事上柱國借緋趙元志
計一百四十四字

隆闡法師碑 行書

今在西安府儒學碑首已失題曰大唐實際寺
故寺主懷惲奉勅贈隆闡大法師碑銘并序法
師諱懷惲俗張姓南陽人也以大足元年十月
二十二日神遷春秋六十有二神龍元年贈隆
闡大法師弟子大溫國寺主思莊等敬想清徽
勒茲玄琰云云其碑題之下有懷惲及書四字
與碑字如出一手趙子嶠諸人有紛紛之議茲

四字殊不可曉當是後人於碑中撮取成字摩
勒於碑題之下本非一手所書至書撰人碑中
既無名氏不可以臆度也

比业尼法琬碑 正書

今在西安府儒學碑首篆書大唐故比业尼法
琬碑題曰大唐 寺故比业尼法琬法師碑
靈安寺沙門承遠撰略云法師諱法琬俗姓李
應天神龍皇帝之三從姑高祖景皇帝曾祖故
鄭王亮謚曰孝祖神 空荆楊并三州大都
督上柱國襄邑王謚曰恭父德懋故紫金光祿

大夫少府監宗正卿兵部尚書上柱國臨川公
謚曰孝永徽六年襄邑王薨其年奉為亡父捨
所愛之女請度出家時年十有三并度家人三
七並以充師弟子法師即隨故吳國公尉綱之
外孫其寺吳公之本置也以垂拱四年九月己
酉朔日遷神於寺以景龍三年正月十五
日起塔於雍州長安縣之神禾原左翊府
彭城劉欽旦書景龍三年五月十日比並凡仙
悟迦毗等建此碑於數歲前土人鬻於市匠人
方磨為別用咸寧令柳君見之移於碑林按唐

史襄邑恭王諱神符贈司空今碑內神字下缺
二字當是符字又稱神符贈荊州都督今碑稱
荊楊并三州大都督又德懋附見神符傳第云
官少府監臨川郡公餘官及謚俱不載皆史之
缺誤也德懋捨女為尼為親資福誠愚孝也其
謚曰孝有以夫

紀國陸先妃碑 正書

今在醴泉縣北二十里西屯村昭陵南十里碑
首篆書大唐紀國故先妃陸氏之碑銘十二字
碑已磨滅存六百餘字有云妃諱 字 河南

洛陽人也祖立素益州大都督府長史太子
庶子父瑒尚書庫部兵部二曹郎妃年十有三
歸於紀國曰惟大皇高 神堯皇帝之孫又云
護輦還京遣司衛卿楊知止護送至墓所按醴
泉志載有紀國太妃韋氏墓乃太宗之妃紀王
慎之母也此陸氏為紀王慎之妃唐書紀王慎
傳越王貞初連諸王起兵慎知時未可獨拒不
與合將就誅而免改氏祔載以檻車謫巴州薨
於道碑中護送至墓所必中宗復位以後事可
以補史之缺

許公蘓瓌碑 正書

今在武功縣碑首篆書唐故司空文貞公蘓府君之碑十二字碑已漫滅存八百餘字金石文字記云盧藏用序并八分書張說銘景雲元年十一月石墨鐫華云碑後有范陽張說字今碑中猶隱隱可讀